



OMANI MAKPIGANI

- ▶ EGIYAONIGA KITIKMEON 1
- ▶ HAVAAMIK HIVUNIKHIYOTIN 2
- ▶ NUNAGIYA OYONI 3
- ▶ NUNAGIYA OYONIN UMIKMAAKLO 4
- ▶ INOEN OYAGAK-TAKVIKMI 5
- ▶ AVATAOYOK 5

EGIYAONIGA KITIKMEON Tohaktaptiknik

Ukeok avatkotuk, polaktaktogun Kitikmeoni nalakhogin nunagiyaoyonin oka-ohen Hanigayokmi Havaamik (Hanigayok).

Polaktavun nunagiyaoyun June-mi 2012-mi, November-milo 2012-mi, April-milo 2013-mi. Polaktaktilota, inuknik katimapkaeyogun, okakhotalo nunagiyaoyoni nalaotikun tuneokhaevlotalo hivonikhiyutikhanik makpigaanik. Okakatigi-yavulo Angutikhalikiyin Nanigeaktokilo Timigiyaen (HTO-kon), Hamleoyonilo Katimayin malguklo nunagiyaoyukni ihomakhakheoktin (Ikaloktuteami Kugluk-tumilo).

Nunavumi Avatilikiyin Katimayin (NIRB-kon) katimapkaeyun naonaeyaevlotik February-mi 2013-mi. Ukoa naonaeyaeyotin katimanigin NIRB-kon ilagivlo-gilo NIRB-kon avataoyomi inuhikniklo manikhakheogutuniklo kanoginikhaenik aolanikmik Hanigayokmi Havaami. Talvunalo katimahimayogun uvaptiknik.



John Kaiyogana, Jason Prno-lo tohaktitaen nunakaktun Hanigayokmi Havaamik.

Ilitogiyavun

Nunagiyaoyoni okatigegutiptiknin, ilitogiyogun inoen aleahuktun havaakhamiknik ayoekhayutikhan-iklo atulaktonik Kitikmeoni. Ukoa pivikhakaknigin ikayutaoneaktun nunagiyaoyoni manikhakheogutaenik atoknikaktoniklo ayoekhayotikhaenik nunakaktun (ukoaloan inulgamen).

Takugaloakhotik agiyonik ikayutikhanik agiktaoniganin Hanigayokmi Havaamin, nunagiyaoyoni inoen ihomalutikaktun ukuniga:

- Inuhiknun manikhakheogutinulo aktokniginik amigaekpaleakpata havaktun nunanin (unaloak maniliki yotin monaginigagun ilagelo avimaniginun malgukni Saneonikni havaktun himaotigekakaktilogin).
- Nunan angutikhalo monaginigin (ukoaloan tuktun ikaloelo).
- Aktoknigin Havaamin agonahoagutininik nikikhakheoknikmiklo.
- Aktoknigin Havaamin imavaloen imagikniginik.
- Monaginigin igilgaan inituklikni pikotaenik.
- Kanok Havaak amigiyaoneakmagaa agiktaotakhimalikan.
- Kanok oyagakheokvik umiktiktaoneakmagaa aniknaetomik.

Havaagineakavun tamaeta ukoa ihomagiyaoyun Avataoyomik Aktoknigagun Okaohikmi (EIS-mi). Nahogiyakun titigakaakhimayakun EIS-goyok inikhimaligeagani nugutpan ukeok 2013 atulihalikalunen 2014 ukeok, kiguliklo EIS-giyakun hatkiktitaagani 2014-mi.

Okaohikhakaguvun ihomalutikaguvilunen Hanigayokmi Havaamik, okakatigiyavan **John Kaiyogana** unavi **jkaiyogana@sabinagoldsilver.com** –mi takoyaktoklogulunen Sabina-kon Ikaloktuteami titigakveani (4 Omingmak Apkunmi) okakatigiyaagani John penageakaktotin.

HAVAAMIK HIVUNIKHIYOTIN

Humetpa Hanigayokmi Havaak?

Havaagiyomayakun kulmik oyagakheokvikhak taeyaogaloaktologo “Hani-gayokmi Havaak”-mik Hanigayokmegitok. Aginikhak nuna Hanigayokmi Havaami (Hanigayok) tununganetok kukam kukniganin. Nunaoyak havuma ataanetok, naonaegutaoyok humeniganik Havaam.



Tohaktitaohimageami Nutaanik

Taya havaani kiguligekhani Hanigayokmi Havaami, pivaleayogun piyunaotinun agigutinin ilitokhakhogulo Havaak manikhakhheogutoateakneakmagaa. June 2012-min ukoa havaagihimayavun:

- Tonihimayat Hanigayokmi Havaam Kanogituniganik Nunavumi Avatilikiyin Katimayenun (NIRB-kon) June-mi 2012-mi.
- Polakhimayun pigahunun nunagiyaoyonun (June-mi 2012-mi, November-milo 2012-mi, April-milo 2013-mi).
- Inikhiyun Sabina-kon titigakvikhaanik Ikaloktuteami havaktikhakhotiklo Nunagiyaoyonik Kivgaktioeyukhamik Atangoyamik, John Kaiyogana (jkaiyogana@sabinacold silver.com) –mi.
- Ilaohimayogun NIRB-kon kanogituniganik ilitokhaenikmi Havaagiyaptiknik.
- Keovlogin NIRB-kon titigakaktaenik kigulikniklo maligoakgaleogaenik.
- Hatikiktitavun Nunagiyaoyoni Ihomakhakhheoktin Ilagen Ikaloktuteami Kugluktumilo.
- Hivomugeaktitavun malguk agiyuk ilitokhaotik igilgaan kaoyimayaenik inuhikmilo manikhakhheogutinilo piyotaoyonik Havaami.
- Ihoakhaeyogun Aetutikhanun Pitkohikhamik Kitimeoni ikayutaoyonik hulilogagutinin piyotikaktonik 'inulgamen ilihaknikulo' unalo nunagiyaoyonik inuhikateaknikhamun igilgaalo inuyuhenik' havaani.

Tuklikni havaakhaptikni, hatkikhiyomayogun hivoani-manileogutaoteakneakmata unipkaamik ukeakhami 2013-mi Titigakakhimayomiklo EIS-mik nugutpan ukeok atulihalikalunen 2014. Hivoani-manileogutaoteakneakmagaa unipkaak ilakakneaktok ilageagutikhanik havaami kanoginiganik ilitokhakniganiklo Havaam manileogutaoteaknikhaanik. EIS-mi okateakneakok aktutaolaktun nakuyun nakugitulo aktoknignik Hanigayokmi Havaam kanoklo Sabina-kon monagineakmagaa ukoa.

NUNAGIYA OYONI 2013-mi Tatikheonmi Hulilogagutin

JANUARY-MI	FIBRUARY-MI	MARCH-MI	APRIL-MI	MAY-MI	JUNE-MI
Takukhao-likniga Sabina-kon Hanigayok-mi Havaagan (BRP-goyok) kagitaoya-mi, www.backriverproject.com –mi Hatikkniga BR-mi Tohaktiyo-tin Sabina-kon nunagiyaoyonun tohaktiyo-taan	NIRB-kon kanogituniganik havaam ilitokhakni-gagun katimayotin BRP-mi Takupakti-taevik Kitikmeoni Havaanik Kungeaktiti-vikmi Ikaloktutea-mi		Tamaeta Kitikmeoni nunagiyaoyun polaka-taklogin Hilami nikheoktun monaginea-gaen Kukluktumi Ulapkinakti-logo Upingaami	Hilami nikheok-tun monagi-neagaen Omikmak (Ikaloktuteami) Ulapki-naktilogo Upingaa-mi	
JULY-MI	AUGUST-MI	SEPTEMBER-MI	OCTOBER-MI	NOVEMBER-MI	DECEMBER-MI
Aoya-mi titigaak BR-kon Tohak-tiyu-taenik	Kigaok-mun polka-neaktun		Haviniga hivoani manileogu-toateakneakmagaa ilitokhaon (piyomayu) Ukeakhami 2013-mi makpigaan BR-mik Tohaktiyotinin	Tamaeta Kitikmeoni Nunagiyaoyun Polaktakin	Ukeomi 2013-mi makpigaan BR-mik Tohaktiyotini



NUNAGIYA OYONIN UMIKMAAKLO (JOHN)

Aleanaknigin Upingami Ulapkitilogin

Tamakni Upingami Ulapkitilogin Hilami Nikheoktilogin (Kugluktumi Ikaloktuteamilo May-mi), igayoga 5-hanat avatkomayonik uyunik kaemalogiktunoanik. Una okaktitiyotigiyaga ilagiyamnik kagagaalok takohimagitamnik. Upigeagutaan nakukpeaktok unaomiyuyaakhonilo umatiga amigaetolo inoen koyagiyaan Sabina-kon nakuyomik monagikmata umiga.

Nattik Ulapkinaktologo igahimayun April 11-mi 7-mugaktomi uplumaan Kugluktum Ulapkivikyoagani Akmaetinagin Ulapkinikmik. Akliknaktok unoani – meyaoyum koyagiyaen tamaeta inoen ukoaklo Ulapkinaknikmi Kigoakhan Koegoakhalo akitakotaotiyun; nutakan inulgamelolo ukiyaktin, Oalanikmeonilo Kilaotiknun Numiktin Kiluhiktomoelo Inoen Kilaotiknun Numikten kungeaktitikmata; Downstairs-lo Atoktuyaktin tohaknaaktitikmata aleagiyaokpeakhotik.

Omingmak (Ikaloktuteami) Olapkinikmi Hilami nikheoktun 10-min uplaami 1:20-mun uplumaan May 17-mi hilataani Maniakveom, (Royal Bank), apkotiloametok. Kuveahutigiyaaan ikayoktigiyapta (Sylvia Novoligak, Terry McCallum-lo, Martina Kapolak-lo uvagalo) igayagani kaemalogiktoni uyunik nikikhaenik amigaetun kuveahoktun inoen. Omingmak Ulapkinakniga Upingaami Kigolien apkunmi kigoani pihimayun nigipkaetaakmata kigulikan amigaetonin inuknin timeoyonilo takukhaoyun. Sabina-kon tunikhaeyun natanik, nanigutuniklo, heotaekhinaepkotiniklok, kaomaktaktonoaniklo titigaotiniklo kiguligenik kungeaktonun.

Koanakun tamaeta inoen ikayoktun Sabina-konik Upingaami Ulapkinaktologo Nikheotilogin. Talvaneginiguvin, hulilogagutin aolanikatealimagingmata aleanaktomik.





INOEN OYAGAKTAKVIKMI Hatkigeagani Ilageknik

Amaruq Justin Porter (kaoyimayaoyok AJ-mik) havaliktok ikutaganik kuptigivloni Sabina-kon Hanigayokmi Havaagani 2010-mi. Havaligami Havaami, ikayokhimayok avataoyomik ilitokhaknigagun.

Ikugakhimayonik kuptiginik atoknikateaktok havaak inigiyaoyomi ikayutaokman oyakanik naonaeyaeyinik hanayukhaniklo kaoyimayaagani akitunigin agitilaagilo kulkaknigin oyagaktakvikmi. Ikutanun ilitokhagaoyun 3.5 satametaoyun kaemalogiktun takinikalaktulo mukpakveolikpaktun ayikotaanik. Kivlukhugin ukoa ilitogakhan oyakikiyin

ihivgeolaktaen okaotiyaagani hanayin humi kul inmagaa kanoklo avugiyaoniganik aalat havivaloen oyakalo. (Piyotigiyaen hanayukhan kanok oyagakvageamikni ukuniga!)

Ayoekhagaloakhoni nutanik ayoenikhaminik, AJ aleahuktok havakatikageamini inuknik nunagiyaoyomi. Nutanik ilanakaliktok ilagilo havakataen nunagiyaminigaaktun, Okhoktumin. Agutikatigiyaniilo Austin, Jimmy-lo nunagiyaoyomi. Agilgatun ituyaaktok.

AVATAOYOK

Nunam Kanogituniganik Ilitokhaotin Atoknikateaktun

Amigaetkiyan 50 nunam kanoginiganik ilitokhaenikun ikayoktigen utikneaktun Hanigayokmi Havaamun (Hanigayok) nunamun 2013-mi.

Ukoa havakatigen katitigineaktun hivonikhiyutikhanik taya avataoyomik inoelo manikhakheogutikhalo kanoginiganik oalikheani Kitikmeoni Nunaoyum Nunavumi (Havaam humeniga). Nalaotakhotik kanok Havaak aktoknikakneakmagaa nunagiyaoyoni aviktokhimayomilo nunanik, Sabina-kon opalogaeyalaktun ihoakhaklogolo Hanigayokmi Havaak mikinhaoyaagani avataoyomik aktoknigin.

Nunanik ilitokhaeyin havakatigen ilakakpaktun:

- Kivgaktoktin havaakakloaktun naonaepkotinik katitiginikmik okaohigiteakniginiklo;
- Inoen havaktin ikayoktun naonaepkotinik katitigiyotini;
- Tikmealen naonaepkotilikiyilo havaktun ikayoktoeyun havakatigenik iniktigeagani manikami havaamiknik: unalo Ilagini;
- Inikneoyok kaoyimayok nunanik.

Amigaetun nunanik ilitokhaknigagun aalatken piyotaoyonik ilitokhaktaoyonik nunanik, havaamilo pikotikakveoyun kanogaaloklo naonaepkotikageagani okaoheoyonik kanoginigagun taya nunan. Kavamani maligoaleoktin, nunagiyaoyonilo inuyun, hanaykahaniklo ihoakhaeyin ikayokpaktun Sabina-konik tikoakhiyaagani nunanik ilitogakhanik.

Ilagin nunan ilitokhagaoyun atoknikakloaktun tikoaktaohimagamik Atoknikakloaktunik Nunameoyun Hunalikaa (VEC-goyun) Atoknikakloaktulun Inuhikmi manikhakheogutiniilo Hunalikaa (VSEC-goyun) EIS-mi nunagiyaoyomilo. Ilaa, tuktun ihomagiyaoyun atoktaoloaktunik atoknikateakmatalo Inoen inuheni.

Piyomaguvun tamaenik titigakhimayoni ilitokhaotigenaktaptiknik nunanik, takoenagealik Avatilikinikun Piyonaotiniilo ilagiyaoyun uvani www.backriverproject.com –mi.

Agutikhat Mikhaanut

Ataohik atoknikakloaktok ilitokhakniganik agutikhan haneani Havaam inigiyaani. Agutikhanik ilitokhaenik naonaeyaeyok umayonik nunami, kagugugaagan kanoklo agutikhan atokmagaa nunanik, kanoklo aolaniginik talvuna nunani. Una havaak tikoakhiyotaoyok takutigetoni, nugutpaleayoniklo kahaknaktoniklo umayonik.

Ilagin agutikhanik ilitokhaotivun ilakaktun: tukturnik, akhakniklo, amakulo, umikmakniklo, kalvikniklo, kupanoaniklo, mitikniklo, kilgavikniklo, naoyaniklo, mikiyoniklo umayunik (ukoalo hitikakven nunan) takyomilo agutikhan. Piyotin atoktun atuni agutikhanik ilitokhaenikmi aalatken piyotikakhotiklo agutikhan kanogituniginun. Naonaepkun havuma ataanetok okaohikaktok kanok tukturnik, akhaelo amakulo nunami ilitokhaotini aalaganiginik.



Una kalvik kukiktok nikiheamik kulaanin DNA-nik ilitogakhanin napayomin.

AGUTIKHAN*	KANOGINIGIN PIYOTIN – 2013-MI	KANOGINIGIN ILITOKHAKNIKUN PIYOTAYUN
Tuktut	Napayun igutaktonik piksaleotikaktun kaagani.	Igutaktokakan piksaleotin naonaeyaktaen kanok tukturnik atokniganik nunanik (apkohakveniklo, nayuktaelo, nugivelun).
Akhaen	DNA-nik pilaktun napayun hanahimayok pigahunik ipiktonoakaktonik alguyanik nimikaktok kiyoen kigeakhimavlotiklo palaevunmi tungavikmi. Imnaeyaam mitkoanik tipikaktukmata (ikaloelo hunagaenik natteovlunen okahoanik) ilonetokaktok napayunum. Akhaen egakvigivagaen napayonoak kimaevlotiklo mitkonik ilitogakhanik, katitigeakaktonik 15, 18-lunen uplun naatkagata aolaktilogilo ilitokhakvikmun.	DNA-nik ilitogakhan naonaegutaoyun kaveoniginik akhaen nunakaktun talvani kitulo nunan akhageakniginik.
Amakun	DNA-nik pilaktun napayun hanahimayok pigahunik ipiktonoakaktonik alguyanik nimikaktok kiyoen kigeakhimavlotiklo palaevunmi tungavikmi. Imnaeyaam mitkoanik tipikaktukmata (ikaloelo hunagaenik natteovlunen okahoanik) ilonetokaktok napayunum. Akhaen egakvigivagaen napayonoak kimaevlotiklo mitkonik ilitogakhanik, katitigeakaktonik 7, kulilunen uplun naatkagata aolaktilogilo ilitokhakvikmun.	DNA-nik ilitogakhan naonaegutaoyun kaveoniginik amakun nunakaktun talvani kitulo nunan amageakniginik.

* Kaoyimayakhan: Amihut agutikhanik ilitokhaotin (ila tukturnik) inikhimayun ataotikun ahelo nalvakheektinin havakveoyun kavamanilo timeoyun havaktun oalikheani Kitikmeon. Una ikayutaoyok ilitokhaotin aolanikateageagani mikhivaaligutaovlotiklo avataoyomik hugaktikpalaakniganik.

ATIKLOGO TOHAKTIYOTIGIYAKUN

Ihoaktomik atikhakakin umiga tohaktiyutikhamik? Pihimaguvun, toniyavan atigiyan **John Kaiyogana** –mun uvani **jkaiyogana@sabinagoldsilver.com** –mi September 1 kagiktinagu 2013-mi.

Tikoaguptigu atigiyan, takhineaktotin iPod Nano-mik (kagitaoyanoamik)!

APIKOTIN, OKAOHILUNEN, IHOMALUTILUNEN

Tuhakvigiyumayagit. Apikotikhakakniguvun, okaohikniklunen, ihomalutiniklunen havaagiyaptiknik, okakatiginahoayavan **John Kaiyogana** uvani **JKaiyogana@sabinagoldsilver.com** –mi upaklogolunen Sabina-kon Ikaloktuteami titiagakvean (4 Omingmak Street-mi) okakatigiyaagani Umikmaak (John) iliknik. Okakatigelaktatilo Vancouver-mi togaaktakvigiyakun iliknik.